

## 退休保障

主席及各位：

今日我想代表一班邊緣中產人士表達心聲，我估計佢地大概佔人口的 1/4；佢地嘅特色，就係住嘅舊式私樓或者未補地價居屋單位（未補地價居屋住戶佔大概 16%），佢地努力工作一生，供滿一層樓，到退休時只得一份最多三幾十萬的強積金，再沒有多餘的財產。

由於大家都唔知自己有幾長壽，退休後已經沒有生產力，強積金自然要慳住洗，由於資產問題，也只能取得微薄的生活費，如果幸運一點，或者有子女的少少零用錢，完全談不上安享退休生活。

縱使逆按揭計劃推出，未補地價的居屋都可以做逆按揭，長者原則上可以在有生之年，每月取得生活費，頤養天年；但是，一般長者，眼見自己下一代找一個居所多困難，又怎會捨得不把單位留給下一代，而把層樓去做逆按揭，寧願兩老慳啲洗！有啲有能力的，便去找一些散工做、小巴司機、揸的士、保安、甚至派報紙、派傳單等等，搵一點錢傍身！

退休保障不單只為有工作的人，也應為無償的家務照顧者，提供退休保障，讓佢地都可以過著有尊嚴的退休生活。退休保障並不是施捨，而是香港市民應該享有的福利。正如去公立醫院睇病，2 蚊乘車優惠、醫療券等。

退休保障計劃，在民間已經討論了超過 10 幾年，經過不斷的修正，一個 3 方(政府、大企業、僱員同僱主) 供款計劃已經獲得多數人支持，融資方案已經由多位學者、精算師計算同驗證，切實可以推行一個全民養老金計劃至 2064！如果政府認為唔可行，可以提出證據反駁學者方案，但政府又沒有咁做？即係默認計劃可行！

梁振英既然宣佈不尋求連任，就應該把握餘下任期，做番一件對香港好嘅事情，實踐佢嘅承諾，由現屆政府落實推行全民養老金！

東區區議員

梁兆新